

**LUTRIJA BOSNE I HERCEGOVINE d.o.o.**  
**NADZORNI ODBOR**

Na osnovu člana 22. Zakona o igrama na sreću ("Sl. novine FBiH", broj 48/15 i 60/15) i člana 22. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), Nadzorni odbor Lutrije Bosne i Hercegovine na sjednici održanoj dana 26.03.2025. godine, donio je

**P R A V I L A**  
**JackPot-a u sistemu automata**

**I - OPŠTE ODREDBE**

**Član 1.**

Ovim Pravilima utvrđuje se način i uslovi pod kojima Lutrija BiH d.o.o. sa sjedištem u Sarajevu u ulici Mehmeda Spahe br. 11 (u daljem tekstu: Priređivač) u skladu sa Zakonom o igrama na sreću, priređuje posebne igre na sreću, odnosno igre na automatima i JackPot u sistemu automata u automat klubovima i uplatno-prodajnim mjestima, na teritoriji na kojoj Priređivač obavlja svoju djelatnost.

**II - SISTEM AUTOMATA**

**Član 2.**

Sistem automata podrazumjeva telekomunikacijsko povezivanje većeg broja automata za igre na sreću u cilju formiranja jedinstvenog JackPot-a sa istim i istovremenim šansama svih učesnika u igri.

**Član 3.**

Ova pravila su isključivi i pravni okvir unutar kojeg će igrači i Priređivač regulisati međusobni odnos, te prava, obaveze i odgovornosti. Igrač učešćem u igri na automatima u sistemu automata, prihvata ova pravila kao obavezna.

**III - OBJAŠNJENJE NAZIVA**

**Član 4.**

U ovim pravilima koriste se sljedeći pojmovi:

- automat klub/uplatno-prodajno mjesto: objekat Priređivača u kojem se nalaze automati;
- lokalni server: računar u automat klubu ili uplatno-prodajnom mjestu na kojem se prikupljaju podaci sa automata na nivou automat kluba/uplatnoprodajnog mjesta i prosljeđuju se centralnom serveru;
- centralni server: računar na kojem se prikupljaju podaci sa lokalnih servera, definišu svi podaci za nesmetan rad sistema/korisnici, vrijednosti akumuliranog JackPot-a itd.;

- akumulirani JackPot: novčani iznos koji nastaje od BET-a svih automat klubova i uplatno-prodajnih mjesta, koji su povezani u sistemu automata;
- informativni pano ili monitor: elektronski panel na kojem se prikazuju vrijednosti akumuliranog JackPot-a, te informacije o dobicima, mjesto i broj automata;
- aktivni automat: automat koji je povezan u sistemu automata i na kojem se trenutno igra.

#### **IV - JACKPOT**

##### **Član 5.**

U sistemu automata akumulirani JackPot se raspoređuje na 3 (tri) vrste premije:

1. LUCKY STRIKE
2. TURBO WIN
3. GOLDEN SPIN

##### **Član 6.**

Procenat izdvajanja od ukupnog BET-a za akumulirani JackPot, te način raspodjele akumuliranog JackPot-a po vrstama premija utvrđuje se Odlukom direktora Priređivača, a na prijedlog Odbora za realizaciju ugovora o zajedničkom priređivanju igara na sreću i stručnih odjeljenja Priređivača.

Procenat izdvajanja od ukupnog BET-a za akumulirani JackPot mijenja se odlukom direktora Priređivača, a na prijedlog Odbora iz stava 1. ovog člana i stručnih odjeljenja Priređivača.

##### **Član 7.**

Dobitak je iskazan u feninzima, odnosno u poenima, **1 poen = 1 fening.**

##### **Član 8.**

Aktuelno stanje JackPot-a, po vrstama, prikazuje se na informativnom panou ili monitoru u svakom automat klubu i uplatno-prodajnom mjestu, centralnom serveru, kao i na računaru instaliranom u Ministarstvu finansija FBiH.

Dobitak JackPot-a i vrsta JackPot-a prikazuje se na monitoru instaliranom u svakom automat klubu ili uplatno-prodajnom mjestu.

##### **Član 9.**

Dobici iz JackPot-a se automatski realizuju kao poseban dobitak na određenom automatu i evidentiraju na centralnom serveru u vidu izvještaja o dobitku /JackPot dobiti/.

## **Član 10.**

Na iznos ostvarenog JackPot-a dobitniku se obračunava porez u skladu sa Zakonom.

Dobitnik ostvaruje novčani iznos prikazan na monitoru u automat klubu ili uplatno-prodajnom mjestu koji se umanjuje za iznos poreza u skladu sa važećim zakonskim odredbama.

## **Član 11.**

Akumulirani JackPot je vezan na centralni server. Njegov iznos se uvećava sumiranjem uloženi iznosa igrača svih automata uvezanih u JackPot sistem. Vrijednost izdvajanja uloga igrača za JackPot se reguliše procentom od uloženi iznosa igrača (procentom ukupnog BET-a).

## **Član 12.**

Dobitak JackPot (po vrstama) ostvaruje se slučajnim izborom automat kluba odnosno uplatno-prodajnog mjesta i aktivnog automata u tom automat klubu/uplatno-prodajnom mjestu, kada vrijednost JackPot-a premaši zadanu minimalnu vrijednost, a bude manja od zadane maksimalne vrijednosti.

## **Član 13.**

Evidencija o uvećanju, historiji i dobitcima JackPot-a vodi se na centralnom serveru.

## **V - ZAVRŠNE ODREDBE**

### **Član 14.**

Pravila JackPot-a u sistemu automata su dostupna svim igračima u svim automat klubovima i uplatno-prodajnim mjestima Priređivača.

### **Član 15.**

Stupanjem na snagu ovih pravila, prestaju da važe Pravila JackPot-a u sistemu automata broj: 01-7-1967-5/16 od 11.10.2016. godine.

### **Član 16.**

Ova pravila stupaju na snagu danom donošenja, a primjenjivat će od dana objavljivanja u jednoj od dnevnih novina.

Broj: 01-5-1064-6/25  
Dana: 26.03.2025. godine

**VD PREDsjedNIK**

**Miroslav Ćorić, s.r.**